

agris colendis vitam agere cōsueuisse. Sed post eorū obitum qui sūt nati minus officiosos, magis auaros cōepisse fieri, quare minus iustitiā iter homines fuisse cōuersatā. Deniq; eam peruenisse usq; eo dum diceretur, Heu heu genus hominum inatū. Itaq; iam non potuisse pati amplius, & ad sidera euolasse. Sed hanc alii Fortunā, alii Cererē dixerunt, et hoc magis non conuenit inter eos, quod caput eius nimīū obscurū uideē. Nonnulli etiā Erigonem Icarīi filiā dixerūt, de qua supra diximus. Alii autē Apollinis filiam ex Chriothemi natā et infantē Parthenon nomine dictā, eam q; quod parua interierit ab Apolline inter sidera collocatā. Scorpius.

malum.

26. **H**ic propter magnitudinem membrorū in duo signa diuiditur, quorū unius effigiem nostri libram dixerunt. Sed omnino totū signū hac de causa statutum assignatur. quod Orion cū uenaret, et in eo exercitissimū se esse cōfideret, dixisse etiā Dianæ et Latonæ se omnia quæ ex terra oriuntur interficere ualere, quare Terrā permotā scorpionē eduxisse, qui eum interficere demonstrat. Iouem autē utriusq; animū admiratū, scorpionem inter astra collocasse, ut species eius hominibus documento esset, ne q; eorum de aliqua re sibi cōfideret. Dianā autē propter studiū Orionis petisse à Ioue, ut idem illi beneficiū daret petenti, quod terræ ultro tribuisset. Itaq; eū cōstitutū, ut cū scorpione oriā, Orion occidat. Sagittarius.

27. **H**unc complures Centaurū esse dixerūt. Alii autē hac causa negauerūt, quod nemo centaurus sagittis sit usus. Hic autē quærit, cur equinis cruribus sit deformatus, & caudā habeat ut Satyri. Dicunt em̄ nonnulli hūc esse Crotum nomine, Euphemes musarū nutricis filiū, ut ait Sositheus tragœdiarū scriptor eū domiciliū in mōte Helicone habuisse, et cū musis solitū delectari, nōnunq; etiā studio uenationis exerceri. Itaq; pro merita diligentia magnā laudē affecutū. Nā et celerrimū in syluis & acutissimū in musis factū esse, pro quo studio petisse musas ab Ioue, ut in aliquo astrorū numero deformatē. Itaq; Iouē fecisse, ut cū omnia illius artificia uno corpore uellet significare crura eius equina fecisse, quod equo multū sit usus, et sagittas pro ingenio adiunxisse, ut ex his et acumen et celeritas esse uideret. Caudā satyricā in corpore finxisse, quod nō minus hic musis, q; Liber satyris sit delectatus. Ante huius pedes stellæ sunt paucae, in rotundo deformatæ, quas coronā eius ut ludentis abiectam nonnulli dixerunt. Capricornus.

28. **H**uius effigies similis est Aegypti, quem Iupiter, quod cum eo erat nutritus in sideribus esse uoluit, ut capram nutricem, de qua ante diximus. Hic etiā dicit cum Iupiter Titanas oppugnaret, primus obiecisse hominibus timorem, qui Panicos appellatur, ut ait Eratosthenes, hac etiam de causa huius inferiorem partē piscis esse formationē, quod muricibus id est maritimis conchillis hostes sit iaculatus, pro lapidum iactatione, Aegyptii autem sacerdotes, & nonnulli poëtæ dicunt, cū plures dii in Aegyptum conuenissent, repente uenisse eodē Typhona acerrimum gyganta, & maxime deorum inimicum, quo timore permotos, in aliam figuram se conuertisse. Mercurium factū esse Ibin. Apollinem autē quæ Threicia auis est et grus dicit, Dianā cato simulatam, quibus de causis Aegyptios ea genera uiolari non sinitere demonstrant, quod deorum imagines dicantur. Eodem tempore Pana dicunt in flumen se deiecisse, & posteriorem partem corporis effigiem piscis, alteram uero hirci fecisse, & ita à Typhone profugisse, cuius cogitatum Iouem admiratū effigiem eius inter sidera fixisse.

Aquarius.

29. **H**unc complures Ganymedem esse dixerunt. Quem Iupiter propter pulchritudinē corporis ereptum parentibus deorū ministrū fecisse existimatur. Itaq; ostenditur ut aqua aliquò infundēs. Hegesianax autē Deucaliona dicit esse, qd' eo regnate tanta uis aquæ se de cœlo profuderit, ut cataclysmus factus esse diceret. Eubulus autē Cecropē demonstrat esse antiquitatē generis cōmemorās et ostendēs anteq; uinū traditū sit hominibus, aqua in sacrificiis deorū usos esse, et ante Cecropē regnasse q; uinū sit inuentum.

8 4

Pisces